

Gregorian: Popis državne imovine je prioritet



Vršilac dužnosti visokog predstavnika Raffi Gregorian danas se sastao s predsjedavajućim Komisije za državnu imovinu Zvonimirom Kutlešom i tom prilikom naglasio da bi «Vijeće ministara Bosne i Hercegovine trebalo što prije pokrenuti postupak za popis državne imovine».

Gregorian je napomenuo da obim popisa imovine mora biti definiran na način koji će u budućnosti osigurati postizanje održivog sporazuma o raspodjeli imovine te da bi taj proces trebao biti pokrenut sada, prije donošenja Zakona o državnoj imovini, kako se ne bi gubilo dodatno vrijeme dok nacrt Zakona bude razmatran u okviru parlamentarne procedure.

«Ukoliko Vijeće ministara sada ne poduzme aktivnosti i ukoliko odluči da se popis imovine izvrši nakon usvajanja Zakona o državnoj imovini, postoji vjerovatnoća da će doći do prolongiranja tranzicije OHR-a u Ured specijalnog predstavnika Evropske unije», upozorio je Gregorian.

Gregorian je takođe podsjetio predsjedavajućeg Kutlešu da «svaki zakon koji usvoji Vijeće ministara i donese Parlamentarna skupština BiH mora ispunjavati standarde za rješavanje pitanja državne imovine koje je definiralo Vijeće za implementaciju mira na sjednici u februaru 2008. godine, uključujući i zahtjev da raspodjela bude izvršena nanačinkojiBosniiHercegovini, idrugimnivoimavlasti, daje vlasništvo nad imovinom koja im je potrebna da bi ispunjavali svoje ustavne nadležnosti.